

**E**n gemein lere des sterbenden menschen die weil er rede vnd vornunfft hat so sal er got an ruffen das er yn durch sein gruntes losse barmhertzikeit vnd die krafft seines leitens wolle entphaen Dar nach seine libe muter maria die iunckfrawe das sie vor yn bitte .Darnach alle engel besunder den der im tzu huth gegeben ist Darnach die zwelsspotenn Die merterer die beichtiger vnd die iungkfrawen vnd besunder die er vor die andern yn der gesuntheit geeret hat Sie selbenn sollen im auch mit dem crucifix vor gehalten werde Item er sal dreimal sprechen disen vers Du hast meine bant tzu brochen Vnd ich wird dir opfern die hostien des lobes Disen vers saget Cassiodrus crefftig sein tzu ablass der sunden Wan er mit warer beicht gesprochen wirt Sant Augustin lobet dis nach geschriben gebet Der fride vnser herren hiesu christi die krafft seines bitter leydens das zeichen des heyligen kreuzes Die reynickeyt der iungkfrawen marie der segen aller heyligen der beschirm aller heiligen engel vnd auch das gebet aller auferwelten die sein heut tzu dieser stund meines sterbens tzwischen mir vnd allen meinen sunden sichtig vnd vnichtig amen. ¶ Czu dem letzten sol er sprechen den vers. Herre in deine hende besel ich dir meinen geyst So aber der francke nicht redē mocht so sal er dise dingt in dem hertze betrachte vñ auch von andern leuten mit lauter stim gesprochen werden die dem francken der sele warten Wen kein sterbender mensch sal allein bleiben sunder vorsehen sein mit andechtigen leuten die im mit guter meinung vnd lere kunden tzu sprechen auff stetigkeit des glais